

疆
邦
華
書



周氏藏書



矩山詞目錄

水調歌頭

乳燕飛

百字令

鷓鴣天

矩山詞

豐城 徐經孫 仲立

水調歌頭致仕得請

客問矩山老何事得優游追數平生出處爲客賦歌頭
三十五時僥倖四十三年仕宦七十口歸休頂踵皆君
賜天地德難酬書數冊棋兩局酒三甌此是日中受
用誰劣又誰優寒則擁鑪曝背暖則尋花問柳乘興狎
沙鷗知足又知止客亦許之不

百字令

八旬加二荷君天垂祐扶持老拙目送新來檐外燕手
揀好花輕折比似去年十分強健日看朱詩說篇三百

五歲前儘有披閱 天教兩子供官一男留養左右相
娛悅五見孫枝三拜授童冠參差袍笏四侍黿峰擎舟
在卽次五今圓月曾孫淳老想能隨叔嬉劣
乳燕飛

一雨炎口洗似天知溪山佳處玳筵珠履六十年前今
朝慶門左桑弧蓬矢也似恁鬱葱佳氣綠鬢童顏春未
老問壽星模樣君真是新甲子從頭起 應門有子能
承志總人閒皺眉底事不關君耳看不日孫枝毓秀袞
袞教人滿意更又報門闌多喜飽受人生眞富貴便蟠
桃三熟堪彈指知幾箇千秋歲

鷓鴣天

安分隨緣事事宜平生快活過年時長歌赤壁東坡賦
又詠歸來元亮詞開八袞望期頤人生如此古猶稀
香飄金粟如來供歲歲今朝薦酒卮

Blank manuscript page with vertical columns.

徐文惠公矩山存稿五卷明萬歷中其裔孫鑒與徐鹿卿清正存稿同刊名爲二徐集公字仲立豐城人寶慶二年進士歷官至刑部侍郎與賈似道忤退居林下十年乃卒志氣嚴正文章浩瀚奏疏則指斥時事剴切敷陳惟詩詞直據胸臆不復研鍊與擊壤集相似亦宋人道學派體也余已刊入宋人集甲編彊村侍郎蒐刊宋元詞此詞或亦可以備一格歟南城李之鼎識

簣窗詞目錄

柳初新

鷓鴣天二

簞窗詞

臨海 陳耆卿 壽老

柳初新臨安春日

東郊向曉星杓亞報帝里春來也柳擡煙眼花勻露臉
漸覺綠嬌紅姹妝點層臺芳榭運神功丹青無價別
有堯堦試罷新郎君成行如畫杏園風細桃花浪暖競
喜羽遷鱗化遍九陌相將游冶驟香塵寶鞍驕馬
鷓鴣天南教場賞芙蓉

莫惜花前泥酒壺沙場干步錦平鋪將軍閒試臨邊手
按出吳宮小陣圖清露裏曉霜餘嬌紅淡白更憐渠
人間落木蕭蕭下獨倚秋江畫不如

又再賦

豔朵珍叢閒舞衣蹴毬場外打紅圍小輿穿入花深處
且住簪花醉一卮秋欲盡最憐伊江梅未破菊離披
情知不與韶華競回首西風怨阿誰

退庵詞目錄

念奴嬌

水調歌頭

沁園春

補遺

滿江紅

運目

退庵詞

寧國 吳 淵 道父

念奴嬌

我來牛渚聊登眺客裏襟懷如豁誰著危亭當此處占
斷古今愁絕江勢鯨奔山形虎踞天險非人設向來舟
艦曾掃百萬胡羯追念照水然犀男兒當似此英雄
豪傑歲月怱怱留不住鬢已星星堪鑷雲暗江天煙昏
淮地是斷魂時節欄干撻碎酒狂忠憤俱發

水調歌頭

太白已仙去詩骨此山藏胸中錦繡如屋都乞與東皇
碎翦杏花千樹濃抹胭脂萬點妖豔斷人腸曉露沐春

色晴日漲風光 孤村路逢休暇共徜徉酒旗斜處
□一簇幾紅妝暫息江頭烽火無奈鬢邊霜雪聊復放
疏狂倚俟玉壺竭未肯寶鞭揚

沁園春壽弟相國

喜我新歸逢戎初度關情更深正晝掩柴扉□尋隱遯
□舒槐府戎正經綸白石清泉紫樞黃閣□□□□
□□□□□弟爲宰相兄作閒人 南園借我登臨
都不怕近前丞相瞋但曳履扶筇堪憐獨步攜壺載酒
每歎孤斟七袞開顏六旬屈指風雨對牀頻上心殷勤
祝道何時回首及早抽身

又梅